

Na osnovu člana 14. Zakona o udruženjima i fondacijama Federacije Bosne i Hercegovine („Službene novine Federacije BiH“, broj 45/02, Skupština Udruženja Klub za praktično streljaštvo „Caracal“ na 1. vanrednoj Skupštini održanoj 15.10.2016, usvojila je i donijela novi

# STATUT

## *KLUBA ZA PRAKTIČNO STRELJAŠTVO „CARACAL“*

### I. UVODNE ODREDBE

#### *Čl. 1.*

Udruženje pod nazivom Klub za praktično streljaštvo „Caracal“ je oblik dobrovoljnog udruživanja više građana s prebivalištem u Bosni i Hercegovini koji se bavi i promoviše aktivnosti sportskog, praktičnog streljaštva i airsofta u Bosni i Hercegovini, bez namjere sticanja dobiti, pridržavanjem pozitivnih propisa Bosne i Hercegovine i ovoga Statuta kojim se uređuje organizacija i djelovanje udruženja.

#### *Čl. 2.*

Ovaj Statut osnovni je opći akt Udruženja Klub za praktično streljaštvo „Caracal“.

Ovim Statutom utvrđuju se:

- naziv i sjedište udruženja;
- područje na kojem udruženje djeluje;
- zastupanje udruženja;
- ciljevi udruženja;
- djelatnosti radi ostvarenja ciljeva udruženja;
- ostvarivanje načela javnosti rada udruženja;
- članstvo i članarina;
- prava, obaveze i disciplinska odgovornost članova udruženja ;
- unutrašnja organizacija udruženja;
- tijela udruženja, njihov sastav, ovlasti, način odlučivanja, uslovi i način izbora i opoziva, trajanje mandata te odgovornost izabranih članova u tijelima udruženja;
- imovina udruženja i raspolaganje s njom;
- prestanak rada udruženja i postupak s imovinom udruženja u tom slučaju.

## **II. NAZIV, SJEDIŠTE I PODRUČJE DJELOVANJA UDRUŽENJA**

### **Čl. 3.**

Naziv udruženja glasi: Klub za praktično streljaštvo „Caracal“.

Udruženje koristi skraćeni naziv: KPS „Caracal“ Sarajevo.

Udruženje također koristi naziv na engleskom jeziku: Practical Shooting Club „Caracal“ Sarajevo.

Skraćeni naziv udruge na engleskom jeziku glasi: PSC „Caracal“ Sarajevo.

Sjedište udruženja je u Sarajevu. Adresa sjedišta udruženja je: Safeta Zajke 61, 71000 Sarajevo, Bosna i Hercegovina.

### **Čl. 4.**

Udruženje djeluje na cjelokupnom području Federacije Bosne i Hercegovine.

## **III. PRAVNA OSOBNOST I ZASTUPANJE UDRUŽENJA**

### **Čl. 5.**

Klub za praktično streljaštvo „Caracal“ ima svojstvo pravne osobe i nosilac je svih prava, obaveza i odgovornosti utvrđenih Ustavom i pozitivnim propisima Bosne i Hercegovine i ovim Statutom.

### **Čl. 6.**

Udruženje ima svoj pečat i znak. Pečat je okruglog oblika prečnika 30 mm na kojem je otisnut tekst:

„Udruženje – Klub za praktično streljaštvo Caracal“, a u sredini piše: „Klub-Caracal Sarajevo“

Znak udruženja je jajastog oblika, na kome piše: „CARACAL“ sa dvije naslikane zvijezde sa gornje strane, sa lijeve strane: „IPSC“ sa naslikanom zvijezdom, sa desne strane: „BIH“ sa naslikanom zvijezdom, sa donje strane: „Klub za praktično streljaštvo Sarajevo“ sa dvije naslikane zvijezde, te je u sredini naslikana glava divlje mačke Caracal.

### **Čl. 7.**

Udruženje predstavlja i zastupa predsjednik.

Udruženje mogu zastupati pred državnim, upravnim i sudskim tijelima i drugim pravnim osobama druge osobe na osnovu posebne ovlasti ili punomoći koju potpisuje predsjednik udruženja.

## IV. CILJEVI I DJELATNOSTI UDRUŽENJA

### Čl. 8.

Ciljevi udruženja su:

- Cilj Kluba je poticanje, razvoj i unapređenje streljačkog sporta, te razvijanje odgojnih, moralnih i etičkih vrijednosti kod svojih članova, naročito omladine, jačanje zdravlja djece i omladine te podizanje radne sposobnosti odraslih građana. Razvijati u Klubu društveni život, razvijati spoznaju o koristi sporta i razvijati amaterski odnos prema sportu.
- planiranje rada i razvoj streljačkog sporta i praktičnog streljaštva;
- ostvarivanje utvrđenih i usvojenih planova i programa;
- organizovanje streljačke sportske obuke;
- edukativno i moralno usmjeravanje članova udruženja ka zakonitom, stručnom, savjesnom i sigurnom korištenju vatrenog oružja kao sportskog rekvizita ;
- promocija streljačkog sporta u Bosni i Hercegovini;
- promocija, treniranje i takmičenje u streljačkim sportovima koji nisu afirmirani u Bosni i Hercegovini (sportsko streljaštvo, praktično streljaštvo, airsoft)

### Čl. 9.

Radi ostvarenja ciljeva djelatnosti udruženja su:

- bavljenje i takmičenje u sportskom ,praktičnom i airsoft streljaštvu u Bosni i Hercegovini i inostranstvu;
- organizovanje sportskih takmičenja, priredbi i manifestacija streljačkog sporta ;
- staranje o izgradnji, održavanju, korištenju i upravljanju sportskim objektima namijenjenim streljačkom sportu ;
- edukacija članova, poduzimanje mjera i ostvarivanje uslova za stručno treniranje, takmičenje i sportsko suđenje na sportskim takmičenjima članova udruženja.

### Čl. 10.

Udruženje samostalno obavlja svoje djelatnosti i samostalno je u ostvarivanju svojih ciljeva utvrđenih Statutom.

### Čl. 11.

Udruženje ne obavlja svoje djelatnosti radi sticanja dobiti za svoje članove.

Ako udruženje u obavljanju djelatnosti eventualno ostvari dobit, ona se temeljem Statuta mora koristiti isključivo za obavljanje i razvijanje djelatnosti udruženja kojima se ostvaruju njezini ciljevi naznačeni Statutom.

## **V. JAVNOST RADA UDRUŽENJA**

### **Čl. 12.**

Djelovanje udruženja je javno.

Javnosti rada udruženja provode se javnim djelovanjem i otvorenosti rada svih tijela te obavještanjem članova udruženja i javnosti putem saopštenja u javnim medijima.

### **Čl. 13.**

Sjednice svih tijela udruženja otvorene su za javnost (članove udruženja, novinare, treće zainteresovane osobe). Prisutne osobe dužne su podvrgnuti se kućnom redu i pravilima postupka koje odredi nadležna osoba udruženja, pod prijetnjom udaljenja.

Osobe koje nisu članovi udruženja nemaju pravo sudjelovati u donošenju odluka tijela udruženja.

### **Čl. 14.**

Samo izuzetno, ukoliko je riječ o unutrašnjim odnosima članova udruženja, tijelo udruženja može donijeti odluku o zatvorenom radu sjednice toga tijela ili da samo određena tačka dnevnog reda bude zatvorena za javnost. Odluka o zatvorenosti rada za javnost mora biti donijeta u pismenom obliku i obrazložena.

## **VI. ČLANSTVO, PRAVA, OBVEZE I ODGOVORNOST ČLANOVA UDRUŽENJA**

### **Čl. 15.**

Svaki poslovno sposoban državljanin Bosne i Hercegovine može pod jednakim uslovima utvrđenim ovim Statutom podnijeti zahtjev za upis u članstvo udruženja.

Maloljetne osobe mogu biti članovi uz saglasnost roditelja, kao i obavezno prisustvovanje jednog od roditelja prilikom treninga i takmičenja.

### **Čl. 16.**

Pravna osoba sa sjedištem u Bosni i Hercegovini može biti pod jednakim uslovima član udruženja.

## **Čl. 17.**

Inostrana pravna osoba ili stranac mogu biti pod jednakim uslovima članovi udruženja, uz primjenu načela reciprociteta između države njihovog porijekla tj. sjedišta i Bosne i Hercegovine.

## **Čl. 18.**

Članom udruženja postaje na osnovu slobodne volje člana iskazane potpisivanjem zahtjeva za upis u članstvo te samostalne diskrecione odluke tijela udruženja nadležnog za primanje u članstvo.

Članovi udruženja mogu biti:

- redovni
- potpomažući
- počasn
- zaslužni.

Redovni član udruženja može biti građanin koji aktivno sudjeluje u ostvarivanju zadataka svog udruženja, a sudjeluje u vježbama i takmičenjima te pomaže razvijanju streljačkih sposobnosti članova.

Redovni članovi koji su potpuno poslovno sposobni imaju pravo da biraju i budu birani u organe udruženja i saveza, a svi redovni članovi imaju pravo da se koriste sredstvima i pravima, te sudjeluju na svim sportskim priredbama i takmičenjima što ih priređuju streljačka udruženja pod jednakim uslovima i u skladu s Statutom i pravilnicima udruženja.

Redovni članom može postati svaki građanin, podnošenjem zahtjeva izvršnom organu kluba, tj. udruženja, koji o tome donosi odluku.

Potpomažući član udruženja ima pravo i dužnost da prema svom znanju i mogućnostima unapređuje društvene svrhe i interese streljačkog sporta, te da na Pravilnikom utvrđen način sudjeluje u odlučivanju o bitnim pitanjima djelovanja udruženja.

Potpomažućim članom udruženja građani mogu postati podnošenjem propisane pristupnice i uplatom članarine, a konačnu odluku donosi izvršni organ kluba tj. udruženja.

Počasni član udruženja može biti građanin koji je svojim javnim djelovanjem u društvenom životu znatno doprinjeo afirmaciji streljačkog sporta, ili kluba tj. udruženja.

Odluku o proglašenju počasnim članom donosi Upravni odbor udruženja.

Počasnom članu izdaje se posebna počasna iskaznica kluba tj. udruženja te u iznimnim slučajevima Povelja, na temelju kojih mu se priznaju sva prava kao člana kluba tj. udruženja.

Zaslužnim članom udruženja može biti proglašen građanin koji je najmanje 10 godina član kluba tj. udruženja, a svojom je sveukupnom djelatnošću znatno doprinjeo razvoju streljačkog sporta ili je postignutim rezultatima trajno zadužio streljački sport.

Odluku o proglašenju zaslužnim članom donosi Skupština kluba tj. udruženja, a na prijedlog Upravnog odbora kluba.

Zaslužnom članu izdaje se Povelja kojom mu se priznaju sva prava člana kluba tj. udruženja utemeljena na Statutu kluba tj. udruženja.

#### **Čl. 19.**

Udruženje vodi popis svojih članova.

#### **Čl. 20.**

Udruženje izdaje svojim članovima iskaznice sa rokom važenja ograničenim odlukama tijela udruženja. Članovi plaćaju članarinu čiju visinu utvrđuje Upravni odbor udruženja.

#### **Čl. 21.**

Članstvo u udruženju prestaje:

1. na osnovu slobodno izražene volje člana udruženja iskazane pismenom izjavom;
2. isključenjem kao disciplinskom odlukom nadležnog tijela udruženja;
3. neplaćanjem članarine kroz period duži od 1 godine;
4. smrću člana odnosno prestankom pravne osobe;
5. prestankom rada udruženja.

#### **Čl. 22.**

Odluku o brisanju člana iz popisa članova udruženja kao i sve odluke vezane uz prestanak članstva, osim disciplinske odluke u prvome stepenu, donosi Upravni odbor udruženja.

#### **Čl. 23.**

Ukoliko je članstvo prestalo zbog neplaćanja članarine, član ima pravo podnijeti zahtjev za ponovnim upisom u članstvo udruženja, ali nakon što namiri u cijelosti dospjele iznose članarine do dana podnošenja zahtjeva za upis u ponovno članstvo.

#### **Čl. 24.**

Svaki član udruženja ima pravo i obavezu pridržavati se odredaba ovog Statuta, pomagati u provođenju djelatnosti i ostvarivanju ciljeva udruženja, na dobrobit svih članova i udruženja kao cjeline.

#### **Čl. 25.**

Član podliježe disciplinskoj odgovornosti za slučaj kršenja ili nepridržavanja odredaba ovog Statuta, neizvršavanja obaveza povjerenih mu od strane udruženja, nanošenjem moralne ili materijalne štete udruženju ili njezinim članovima te neprimjerenim ponašanjem u privatnom životu.

#### **Čl. 26.**

Disciplinski postupak vodi se po pravilniku kojeg donosi Skupština udruženja.

#### **Čl. 27.**

Okrivljenik u disciplinskom postupku ima pravo na odbranu, te pravo ulaganja žalbe Upravnom odboru udruženja čija odluka je konačna.

### **VII. UPRAVLJENJE UDRUŽENJEM I TIJELIMA UDRUŽENJA**

#### **Čl. 28.**

Članovi odlučuju i upravljaju udruženjem neposredno na skupštini udruženja i posredno putem izabраних predstavnika u tijelima udruženja.

#### **Čl. 29.**

Tijela udruženja su:

- skupština
- upravni odbor
- predsjednik
- sud časti.

#### **Čl. 30.**

##### **Skupština**

Skupština je najviše tijelo udruženja, a čine je članovi kluba i izabrani predstavnici pravnih osoba koje su članovi kluba.

Skupština radi u sjednicama, a one mogu biti redovne, izborne i vanredne.

Poziv na sjednicu skupštine potpisuje predsjednik Skupštine.

Verifikaciona komisija od 2 (dva) člana vrši prebrojavanje prisutnih na Skupštini i prebrojavanje rezultata glasanja.

O radu skupštine vodi se zapisnik kojeg potpisuju predsjedavajući skupštine i zapisničar, a ovjeravaju ga ostala dva člana radnog predsjedništva.

### **Čl. 31.**

Redovna sjednica skupštine saziva se jednom godišnje, u pravilu završetkom januara u tekućoj godini.

Vanredna skupština saziva se prema potrebi, a na osnovu pisanog i obrazloženog zahtjeva najmanje 5 članova udruženja ili na osnovu pismene odluke Upravnog odbora udruženja.

U drugome slučaju vanredna skupština mora biti sazvana i održana najkasnije unutar 30 dana računajući od dana podnošenja zahtjeva za njezinim sazivanjem.

### **Čl.32.**

#### **Skupština udruženja ovlaštena je:**

- donijeti Statut, te njegove izmjene i dopune;
- izabrati tajnim glasanjem i imenovati predsjednika skupštine, predsjednika i potpredsjednike udruženja, članove Upravnog odbora, predsjednika i članove suda časti, te ih razriješiti dužnosti;
- razmotriti i usvojiti izvještaj o radu udruženja i tijela udruženja;
- razmotriti finansijski izvještaj, odobriti završni račun i donijeti finansijski plan prihoda i rashoda udruženja;
- utvrditi i donijeti programske smjernice rada udruženja;
- odlučiti o udruživanju u savez ili zajednice udruženja, te učlanjenju u međunarodna udruženja;
- davati autentično tumačenje odredaba ovog Statua;
- odlučivati o drugome stepenu o žalbama članova protiv odluka Upravnog odbora;
- donijeti odluku o prestanku rada udruženja;
- odlučivati o pitanjima bitnim za udruženje, za koja Statutom nije utvrđeno nadležno tijelo.

### **Čl. 33.**

Skupština može zasjedati ako na sjednici prisustvuje najmanje  $\frac{1}{4}$  svih članova udruženja.

Odluke skupštine su pravosnažne ako je za njih glasalo najmanje  $\frac{1}{2} + 1$  prisutnih članova udruženja.

### **Čl 34.**

#### **Predsjednik Skupštine**

Predsjednik Skupštine za svoj rad odgovara Skupštini.

### **Čl. 35.**

Predsjednika skupštine bira skupština udruženja na vrijeme od četiri (4) godine, uz mogućnost ponovnog izbora.



## Čl. 36

### **Nadležnosti Predsjednika Skupštine**

(1) Osnovne nadležnosti Predsjednika Skupštine su:

- saziva Skupštinu i predsjedava istom,
- stara se o realizaciji Programa rada Skupštine i Programa rada Udruženja,
- planira, koordinira i usmjerava rad Skupštine,
- potpisuje akta koja donosi Skupština,
- nadzire i osigurava provođenje odluka Skupštine,
- po potrebi potiče aktivnosti organa i radnih tijela Udruženja,
- odgovoran je za savjesno obavljanje poslova,
- prati propise i osigurava zakonitost rada Skupštine,
- poduzima aktivnosti i radnje kojima osigurava dosljednu primjenu Statuta.

(2) Izrađuje sljedeća akta:

- Poslovnik o radu Skupštine,
- Program rada Skupštine,
- Izvještaj o radu Skupštine,
- priprema i izrađuje druge akte u nadležnosti Skupštine.

(3) Obavlja i druge poslove koje mu povjeri Skupština u skladu sa zakonom i Statutom.

### **Upravni odbor**

## Čl. 37.

Upravni odbor obavlja sve djelatnosti koje su u svrhu ostvarivanja ciljeva udruženja utvrđeni ovim Statutom.

Upravni odbor posebno ima pravo i obavezu da:

- provodi i ostvaruje odluke skupštine;
- izradi prijedlog plana i programa rada udruženja;
- donosi opće akte kojima se uređuje unutrašnja organizacija rada udruženja i tijela udruženja;
- sačini prijedlog godišnjeg finansijskog plana i završnog računa udruženja i podnese ih skupštini na usvajanje;
- osniva i organizuje stručne službe udruženja kao i stručne komisije trajnog ili privremenog karaktera;

- donosi odluke o zaključivanju ugovora o radu s pojedinim djelatnicima te odluke o angažovanju pojedinih stručnjaka za konkretna pitanja i zadatke;
- bira i razrješava sekretara udruženja;
- upravlja imovinom udruženja;
- predložiti udruživanje u saveze ili zajednice udruženja ili učlanjenje u međunarodna udruženja, te prijedlog dostaviti skupštini udruženja na odlučivanje;
- odlučiti o pokretanju i štampanju novina, biltena, knjiga i drugih publikacija;
- odlučuje o visini godišnje članarine;
- odlučuje o pribavljanju sredstava za rad udruženja;
- komunicira s javnošću i daje saopštenja za javnost i članstvo;
- odlučuje o prigovorima i prijedlozima članova udruženja ili drugih osoba, odlučuje u disciplinskom postupku o drugostepenskoj odgovornosti članova i rješava zahtjeve za preispitivanje svoje odluke;
- odlučuje o drugim bitnim pitanjima koja se tiču rada udruženja;
- obavlja sve ostale poslove koje mu naloži skupština udruženja.

### *Čl. 38.*

Upravni odbor ima pet (5) članova.

Članovi Upravnog odbora su predsjednik udruženja, koji je istovremeno i predsjednik Upravnog odbora, te dva potpredsjednika i dva člana udruženja.

Upravni odbor održava sjednice ako su prisutna najmanje tri člana, a donosi odluke ako je za njih glasala natpolovična većina ukupnog broja članova Upravnog odbora.

Upravni odbor ima obavezu zasjedati barem četiri puta godišnje, a ako se ukaže potreba i više puta.

Upravni odbor ima pravo i obavezu kontrolisati zakonitost rada tijela udruženja, način korištenja imovine te materijalno-finansijsko poslovanje udruženja.

O svojim nalazima Upravni odbor je dužan sačiniti pismeni izvještaj i dostaviti ga skupštini udruženja.

Za skupštinu udruženja Upravni odbor podnosi izvještaj o materijalno-finansijskom poslovanju udruženja u prethodnoj godini.

### **Čl. 39..**

Mandat članova Upravnog odbora traje četiri (4) godine s pravom da budu ponovno birani.

Radi nepoštivanja odredaba ovog Statuta ili neprovođenja njezinih odluka Skupština može opozvati jednog ili sve članove Upravnog odbora.

Za slučaj da tokom trajanja mandata neki od članova daju ostavku na članstvo u Upravnom odboru ili bude opozvan s te dužnosti, skupština udruženja će izabrati novog člana čiji mandat traje do isteka mandata člana kojem je prestalo članstvo u tom tijelu.

### **Predsjednik i predsjedništvo**

#### **Čl. 40.**

Predsjednik predstavlja i zastupa udruženje.

Predsjednika i dva potpredsjednika udruženja bira skupština udruženja na vrijeme od četiri (4) godine, uz mogućnost ponovnog izbora.

#### **Čl. 41.**

Predsjednik saziva i vodi sjednice Upravnog odbora.

O radu sjednice vodi se pismeni zapisnik.

U slučaju spriječenosti, predsjednika zamjenjuje jedan od dva potpredsjednika kojeg on odredi.

U slučaju trajne spriječenosti predsjednika zamijenit će ga potpredsjednik kojeg odredi Upravni odbor. U tom slučaju skupština udruženja će na prvoj sjednici izabrati i imenovati novog predsjednika udruženja.

#### **Čl. 42.**

Predsjednik udruženja, dva potpredsjednika i sekretar udruženja čine predsjedništvo udruženja kao pomoćno tijelo Upravnog odbora.

Predsjedništvo je ovlašteno izvršavati odluke Upravnog odbora, pripremati nacрте odluka i dokumenata koje donosi Upravni odbor, sazivati sjednice Upravnog odbora ukoliko to predsjednik udruženja sam nije učinio te donosi opće akte kojima odlučuje o naknadama, nagradama i potporama, te besplatnom korištenju objekata i opreme.

Na sjednici predsjedništva biti će pozvani i drugi članovi udruženja odnosno stručnjaci kada to prema ocjeni predsjednika udruženja bude potrebno.

### *Čl. 43.*

#### **Sud časti**

Sud časti rješava pitanja disciplinske odgovornosti članova kluba.

Sud časti sastoji se od tri suca od kojih je jedan predsjednik suda.

### *Čl. 44.*

Postupak pred sudom časti, disciplinske mjere i materijalno pravo određeni su Pravilnikom o radu suda časti KPS „CARACAL“ kojeg donosi Skupština udruženja.

### *Čl. 45.*

Osoba protiv koje je pokrenut disciplinski postupak može izjaviti žalbu protiv I-st. odluke Suda časti, Upravnom odboru udruženja, čija odluka je konačna.

### *Čl. 46.*

#### **Sekretar**

Sekretara udruženja bira Upravni odbor. Može ga opozvati radi neizvršavanja odluka odbora.

Dužnosti i obveze sekretara:

- zastupa klub tj. udruženje na temelju prava koje mu je Upravni odbor odredio
- odgovara za pripremu materijala za sjednice tijela kluba tj. udruženja
- brine o izvršavanju odluka i zaključaka tijela kluba tj. udruženja
- brine o saradnji s drugim srodnim udruženjima i klubovima te savezom
- osigurava javnost rada kluba tj. udruženja
- obavlja i druge poslove utvrđene Statutom, drugim općim aktima ili odlukama Skupštine i Upravnog odbora

## VIII. IMOVINA UDRUŽENJA

### Sticanje imovine

#### *Čl. 47.*

Udruženje je neprofitna pravna osoba.

Udruženje stiče imovinu od:

- članarine,
- dotacija iz proračuna,
- dobiti koju ostvari u obnašanju svojih djelatnosti,
- darova i dobrovoljnih priloga,
- sponzorstva (potpore),
- zajmova i kredita,
- prihoda od imovine i na druge zakonite načine dobit ostvarenu od svojih dopuštenih djelatnosti.

#### *Čl. 48.*

Imovina udruženja može se koristiti isključivo za obnašanje djelatnosti i ostvarivanje svrhe predviđenih ovim Statutom.

Imovina u obliku novca, stvari ili prava koju je udruženje steklo na načine naznačene u čl. 47. ovog Statuta predstavlja imovinu udruženja.

#### *Čl. 49.*

Za svoje finansijske obaveze udruženje odgovara svojom cjelokupnom imovinom.

#### *Čl. 50.*

Udruženje vodi poslovne knjige i sastavlja finansijske izvještaje u skladu sa propisima kojima se određuje način vođenja računovodstva neprofitabilnih organizacija.

Upravni odbor udruženja dužan je starati se oko urednog vođenja poslovnih knjiga udruženja, te po potrebi isto povjeriti stručnoj i ovlaštenoj osobi.

## **IX. PRESTANAK UDRUŽENJA**

### **Čl. 51.**

Udruženje prestaje s radom:

- temeljem odluke skupštine o prestanku rada donijetoj od strane dvotrećinske većine njezinih članova,
- temeljem pravosnažne odluke nadležnog državnog organa, o zabrani obavljanja djelatnosti
- ako padne u stečaj, pokretanjem stečajnog postupka pred nadležnim sudom.

Udruženje prestaje postojati brisanjem iz Registra.

### **Čl. 52.**

U slučaju prestanka udruženja, imovina koja preostane nakon namirenja društvenih obaveza, troškova poslovanja udruženja i svih vjerovnika, prelazi u vlasništvo na jednake dijelove članova Upravnog odbora udruženja koji budu obnašali tu dužnost u trenutku prestanka rada udruženja.

## **X. PRIJELAZNE I ZAVRŠNE ODREDBE**

### **Čl. 53.**

Ovaj Statut stupa na snagu danom njegovog donošenja od strane Skupštine ovog udruženja.

### **Čl. 54.**

Ovaj Statut primjenjuje se od dana kada ga ovjeri Ministarstvo pravde Federacije Bosne i Hercegovine.

U sarajevu dana, 15.10.2016.god

Broj: \_\_\_\_\_/16

**PREDSJEDAVAJUĆI SKUPŠTINE**

---

**Jasmin Mahmuzić**